



UKA2020/43 aammalu 53

Ulloq 11. november 2020

Jens NapãtôK

Meeqqat atuarianni alloriarfinni tamani atuartut akornanni kinguaassiutitigut piumassuseqarnerup qanoq issusianut, kinguaassiutitigut nappaatinut, kissaatiginngisamik naartulertarnernut, killiliisarnissaannut kiisalu timikkut digitalitigullu innimiilliuutinut ilisimasanut tunngatillugu Naalackersuisut misissuinissamik suliaqaqqullugit Inatsisartut aalajangiiffigisassaattut siunnersuut. Misissuinermit inernerit 1. januar 2022 nallertinnagu saqqummiunneqassapput.

Inatsisartunut ilaasortaq Stine Egede, Inuit Ataqtigiit)

Qarasaasiami inuinaat naapittarfiini qanoq pissusilersornissamut immitsinnullu oqaloqtigiittarnitsinnut sammisalimmik paasititsiniaanermik suliaqarnissamut, aallartitsinissamullu Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Nivi Olsen, Demokraatit)

Inatsisartunut ilaasortap Stine Egede, Inuit Ataqtigiit siunnersuutaat imm. 43 taamatullu Inatsisartunut ilaasortap Nivi Olsen, Demokraatit siunnersuutaat imm. 53 ataatsikkut oqaluuserisassanngortinneqartut pillugit Partii Naleqqamiit imatut oqaaseqaateqassaaagut.

Siullermik Partii Naleqqamiit uggoraarput oqaluuserisassat assigiinngitsorujussuit marluk ataatsikkut oqaluuserisassanngortinneqarsimmata.

Stine Egede Inuit Ataqtigiit siunnersuutaa meeqqat atuarianni alloriarfinni tamani tassalu trin-ini tamani pingasuusuni atuartut akornanni kinguaassiutitigut piumassuseqarnerup qanoq issusianut, kinguaassiutitigut nappaatinut, kissaatiginngisamik naartulertarnernut, killiliisarnissaannut kiisalu timikkut digitalitigullu innimiilliuutinut ilisimasanut tunngatillugu Naalackersuisut misissuinissamik suliaqaqqullugit Inatsisartut aalajangiiffigisassaattut siunnersuut



partii naleraq

saqqummiuppaa taamatullu misissuinermit inernerit 1. januar 2022 nallertinnagu saqqummiunneqassasoq aaliangeqqullugu.

Stine Egede Inuit Ataqatigiit siunnersuutaani meeqqat atuarfianni trin-ini tamani tassalu alloriarfinni tamani atorneqarsinnaasumik iliunniutissanik pisariaqartitsineq ujartuiffigisaa iluatinnaateqartorujussuartut Partii Naleqqamiit isigaarput.

Taamaammat Partii Naleqqamiit Stine Egede Inuit Ataqatigiit qaqiligaa pillugu misissuisoqaqqinngikkaluarluni pisariaqarlunnarnera ilutigalugu atuarfinni alloriarfinni tamani ilinniutnik ullutsinnut atuarfinni alloriarfinni naleqquttunik sanagasuartoqarnissaaa innersuukkumaneruarput qulequtaq siunnersuuteqartup toqqamaavilersuutaa aallaavigalugu.

Meeqqat imminut aaliangersinnaaneranut aammalu ilisimasaqarnerunissaanik aqutissiuisussat iluatinnaaneqarlunnartut atuarfinni amigaatigineqartitsertut aammalu pigeriikkat naleqqussartuarnissaat eqqarsaatigalugu ataatsimiititaliami susassaqtartuni suliarineqarluni naliliiffigineqarnissaa taamatullu sinaakkutit atuarfinni porsaaqqinnissamut ilinniutit ilanngullugit siuarsaaqqinnissamut misissueqqinngikkaluarluni suliarineqarnissaa innersuussutigerusupparput Parti Naleqqamiit.

Taamaammat qulequttap aappassaaniinginnerani taasissutissap misissuinermit qanoq iliuseqarnissamik aqutissiuisussamik allannguutissamik siunnersuusiortoqarnissaanik ujartueqataarusunneruvugut misissuinerit naammareermata aammalu takusinnaareeratigu pisariaqartitsineq ilinniisiornissarlu pisariaqarnerusoq misissueqqinnerminngaaniit.

Taamatut Stine Egede siunnersuutaa toqqammaviatigut tapersorlutigu misissuisoqaqqaanngikkaluarluni qanoq iliuseqarfiginissaa ilinniisiornikkut tapersorlutigu ilinniartitaanermut kultureqarnermut ilageeqarnermullu ataatsimiititaliami nalilersuiffigilluarlugu aaqqiiffigineqarnissaa innersuussutigaarput misissuinerit naammattut pigereerpagut misissuiunnaarluta qanoq iliuseqarluta ilinniutissanik suliaqarluta aallarereerniarta qulequttani qaqilerneqartut taamatut aallartiffisarpasuit ilagiinnarpaat.



partii naleraq

Siunnersuutilli aappa Nivi Olsen Demokratineersup siunersuutaa allarluinnarmik imaqartoq tassalu qarasaasiami inuinnaat naapittarfiini qanoq pissusilersornissamut immitsinnullu oqaloqatigiittarnitsinnut sammisalimmik paasititsiniaanermik suliaqarnissamut, aallartitsinissamullu Naalakkersuisut peqquneqarnissaannik Inatsisartut aalajangiiffigisassaattut siunnersuut.

Siunnersuuteqartup toqqammavilersuutaani politikikkut sulinerminut atatillugu nammineq misigisarsimasani toqqammavilersuutigai aammalu toqqammavilersuutaasut allaserinnittarsimanerit imaannaangitsuupput.

Politikkikkut sulinermi aaliangersarneqartut aammalu oqaaserineqartunut tunngasuni imarisaanik isummersuutigineqartut soorunami nalilersoruminaapput, kisiannili akuersaarneqarsinnaangillat inuunermik siorasaarinerit aammalu inummut ilaqutaasunullu nikassaanerit.

Taamaammat Facebookimi inuillu attaveqaataanni pissuserissaarnissat pillugit qaammarsaanernik aallartitsoqarnissaanik siunnersuummut toqqammavilersornermini ujartorpaa.

Oqalliseqataasut ilai sakkortuuliorsinnaasarpud aammalu ilaannikkut toqqaannartumik siorasaarisarpud kanngutsaatsuliortarlutilluunniit, naak immaqa ilaasa qanoq tiguneqassanersut eqqarsaatigisarunangikkaluaraat annertitsiniaaneq, kisiannili sakkortuumik sunniuteqarlutillu tiguneqarsinnaaneri eqqarsaatigiinnarnagit kikkut tamat oqartussaaqataffigisaanni ineriartornitsinni siorasaarluni kanngutsaatsuliorkuniluunniit iliuuserineqartartut aammalu pissusilersuutigineqartartut kimulluunniit kissaatiginangilluinnarput.

Taamaammat pingaaruteqarpoq iloqqorisaarnissamik nikassaataangitsumik siorasaariffiunngitsumillu periuseqartarnissamik pissusilersortarnissaq qaraasaasiatigut attaveqatitsigut atuinermi aammalu inuit nammineq taamatut misigisaqartut pisinnaatitaaffitsinnik ilisimasaqarnerunissamik qanoq iliuuseqarnissamut misigisimagutta killissaq qaangerneqarluni siorasaarneqarluni kanngutsaatsuliorkineqarluniit naalataaqarnitsinni ingerlaqqinnissamut.



partii naleraq

Inuit illersugaavugut nikassarneqartussaanaata aammalu siorasaarneqartussaanaata aammalu inunnut pineqartunut sunniutigisinnaasaat ilaannut sakkortullutillu annertusinnaammata pisariaqarpoq pisinnaatitaaffitsinnik ilisimasaqarnerunissaq aammalu nalaataqarnermi qanoq iliuseqarsinnaanissamik ilisimasaqarnerunissaq.

Tamatut Partii Naleqqamiit oqaaseqarluta Naalakkersuisut siunnersuuteqartumut allannguutissatut siunnersutaat ilalerlutigu ataatsimiititaliami susassaqartumi suliarineqarnissaa innersuussutigaarput.

qujanaq

“